

# 1940 КИЗОНЬ МАЙТЬ ВАСЕНЦЕ ШИНЦТЫ ЛОЗУНКНЕ

1. Шумбра улеза Майть 1-це шик—рабочай классть революционнай вийнзон боевой смотрсна! Сембе масторонь пролетариятне, пуромода марс!

2. Класс коре братыйтненди, капиталонь узникненди, сембе мирса рабочей классть освобождениянц инкса борецненди—минь братский приветоньке!

3. Кемокстасаск Советский Союзонь рабочей классть интернациональной сотксонзон капиталистический странань рабочей классть мархта! Сяда вярй международнай пролетарский солидарностень знамять!

4. Шумбра улеза Советский Союзть. внешняя политикац, конац обеспечиндакшни мир нароттнень йоткса и безопасность минь родинаньконди!

5. Шумбра улеза минь родной Якстерь Армияньке, Советский Союзонь нароттнень мирнай трудсон могучай оплотц, Великий Октябрьский Социалистический Революциять завоеваниянзон вернай стражсна!

6. Братский привет Якстерь Армиянь и Военно-Морской Флотонь доблестнай боецненди, командирхненди и политработникненди, конат обеспечиндасть безопасность Ленинградти и минь родинаньконь северо-западной границанзонды!

7. Советский Союзонь трудящайхть! Тясть юксне капиталистический окружениять колга! Карматама апак лотксек кемокснемонза минь Якстерь Армияньконь мощенц и минь родинаньконь оборонанц!

8. Шумбра улеза Советский Союзть Военно-Морской Флотоц—советский морской границатнень надежной охранасна!

9. Шумбра улеза могучай советский авиациясь! Шумбрат улест советский летчикне—минь родинаньконь гордай соколонза!

10. Привет мужественнай и бесстрашной боецненди-пограничникненди, социализмань странать зоркай часовейнзонды!

11. Шумбрат улест Западнай Украинань и Западнай Белоруссиянь освобожденнай нароттне, конат строясь эсь свободнай эряфсон Советский Союзонь нароттнень великай братский семьясост!

12. Шумбра улеза Карело-Финский Советский Социалистический Республикась!

13. Шумбра улеза Советский Союзонь нароттнень дружбасна!

14. Промышленностень, транспортонь, торговлян, велень хозяйствань стахановецонь лама миллионнай армияти, минь странаньконь знатнай ломанензонды—большевистский привет!

15. Сатсаск 1940 кизонь—колмоце пятилеткать колмоце кизонц хозяйственной планонц пашкодеманд и вельф пашкодеманд!

16. Металлургиянь рабочайхть и работницат, инженерхт и техникт! Тюрета металлонь нолдамать касфтоманд инкса!

17. Машиностроениянь рабочайхть и работницат, инженерхт и техникт! Тюрета мирса сембода передовой машиностроениять развитиянц инкса!

18. Топливнай и энергетический промышленностень рабочайхть и работницат, инженерхт и техникт! Мольфместь инголи топливань сатомать, электроэнергиянь нолдамать!

19. Обороннай промышленностень рабочайхть и работницат, инженерхт и техникт! Кемокстаск минь родинаньконь обороннай мощенц! Вооружандасть Якстерь Армиять и Военно-Морской Флотть од техникаса!

20. Химический промышленностень работникт! Тюрета минь странаньконди мощнай химический промышленностень тиёмать инкса!

21. Легкай промышленностень рабочайхть и работницат, инженерхт и техникт! Сяда лама ситца, шелк, сукна, трикотаж, обувь советский странань граждаттненди! Тюрета продукциять качестванд цебарьгофтоманд инкса!

22. Колхозникт и колхозницат! Тюрета тундань видемать образцовайста аделаманд и оцю урожайть инкса! Кемокснесть колхознень общественной хозяйствасон! Шумбра улеза колхознень и колхозникнень зажиточнай и культурнай эряфсна!

23. Государственный и кооперативнай торговлян работникт! Тюрета советский потребительсь сяда цебарьста обслуживаниянц инкса ошса и велеса культурнай советский торговлять инкса!

24. Советский учреждениянь служащайхть! Кемокснесть государственнай дисциплинать, сатнесть трудящайхнень запроссон и нуждасон образцовайста удовлетворенияснот!

25. Советский Союзть народонзон культурасон сяда товодонь расцветонц инкса, советский наукать, техникать, искусствать од успехсон и завоеванияснот инкса!

26. Кеподьсаск рабочей классть культурно-технический уровеньнц инженерно-технический трудонь работникнень уровеньнцонды модемс!

27. Шумбра улеза Советский Союзонь равноправнай авась, государство управленияс, минь странаньконь хозяйственной и культурнай тевонзон эса активнай участникась!

28. Рабочайхнень и служащайхнень колга эрь шинь заботась, профсоюзонь членонь марнек массать ленинизмань духса воспитандамац—советский профсоюзнай организациятнень почетнай долгсна! Шумбрат улест советский профсоюзне—коммунизмань школась!

29. Советский Союзонь трудящайхть! Кемокснесть минь социалистический разведканьконь, лезнеда минь чекистоньконди тапсемс и юрнек машфнемс народонь вракнень!

30. Пяконя вишкотьсаск минь работасонк аф сатыкснень критикасон! Машфтсаск минь работасонк аф сатыкснень и тянь мархта кемокстасаск минь государстваньконь мощенц!

31. Шумбра улеза комсомолсь—большевистский партиять вернай помощниконц! Шумбрат улест минь од ломаненьке,—минь родинаньконь будущностец!

32. Минь школаньконь учащайнза! Овладевайте наукать, аноклада пря арамс Ленинонь—Сталинонь тевсон инкса борецокс!

33. Советский народнай учительти, минь од поколенияньконь воспитателенцты—минь горячай приветоньке!

34. Иттне—минь будущайньке. Воспитандасаск советский иттнень минь родинаньконди патриотокс, конат анокт мольфтемс тюремать Ленинонь—Сталинонь тевсон инкса!

35. Советский странань физкультурникненди и физкультурницатнени—минь горячай приветоньке!

36. Шумбра улеза и кемокснеса минь могучай родинаньке—Советский Социалистический Республикань Союзсь!

37. Шумбра улеза минь победоноснай рабочей классоньке!

38. Шумбра улеза минь победоноснай колхознай крестьянстваньке!


39. Шумбра улеза минь социалистический интеллигенцияньке!

40. Шумбра улеза Всесоюзнай Коммунистический большевиконь партиясь—Советский Союзть трудящайнзон передовой отрядсна!

41. Шумбра улеза Коммунистический Интернациональсь—империалистический войнатнень каршес, капитализмать каршес тюремать организатороц!

42. Шумбра улеза Марксонь—Энгельсонь—Ленинонь—Сталинонь великай аф сясковикс знамясна! Шумбра улеза ленинизмась!

Всесоюзнай Коммунистический (большевиконь) Партиять  
Центральнай Комитетонц.







СССР-нь Верховнай Советъ заседания  
залсонза оцю Кремлевский двореца путф  
В. И. Ленинъ скульптура С. Д. Мерку-  
ров скульпторть-орденоносеть работа.  
Фотось Ф. Кисловъ.  
(Фото-клишесь ТАСС-ть).

### Колхозонъ паксяста (Телефон вельде)

Апрельть 23-це шинцы Ковыл-  
кинский районца колхознень свод-  
касон коряс сокаф 805 гектар,  
кона площадь эзда инзаф 519  
гектар и видеф 321 гектар. Тяф-  
тажа успешнайста моли тевсь  
районца видьмонь яровизирован-  
дамать мархта. Сембоц районца  
каяф яровизировандам 927 цент-  
нер и триеровандаф 247 центнер  
яровой видьме.

Видемать коряс районца инь пе-  
редовой колхозкс лувондовихть  
„Заря коммуны“ колхозсь, коса  
апрельть 23-це шинцы сокаф 32  
гектар, „14 год Октября“ колхозса  
сокаф 34 гектар.

Но районца улихть колхоз, ко-  
нат афи ярмотькшнестъ видема-  
ти. Тяфта, например, „Активист“  
колхозсь (председатель Беби-  
шевсь) йофикс ашезь ярмоть-  
кшне сокамат. Кочелаевский ве-  
лень советонь Молотовъ лемса  
колхозсь (председатель Косовсь),  
Пшеневский велень советонь „Од-  
альяк“ колхозсь (председатель  
Анискинсь) сокама нинге афи ли-  
сендсть и туфталкс путнихть сянь,  
бта пяк начка модась, аш кода со-  
кам и ст. тов. Сайгин.

Ковылкинский район.

### КОДА ОРГАНИЗОВАНДАМС САМОДЕЯТЕЛЬНАЙ ХОРОВОЙ КРУЖОК

Сембе итне куленькшихть морхт  
радио вельде, киноса, театраса,  
концертса. Лама итть кельгсазь  
морамасон и синць тонафнихть  
морхт. Но аф сембе фкя лаца мя-  
ляфтсазь синь. Финце лацмьяф-  
тсазь и тонаткшнесаь мелодиять,  
лиятне жа сонь тонаткшнесазь  
трудность мархта. Тяфтама ит-  
тнеди эряви лездомс школьник-  
ненди, конат курук тонаткшнесазь  
морть и маштыхть сонь морамон-  
за слухс коря. Нят итне могут  
организовандамс хоровой кружок  
и лездомс моронь тонафнемста  
эсь ялгасонды.

Кода эряви организовандамс хо-  
ровой кружок? Васендакиге хоро-  
вой кружоконь организаторти эр-  
вихть содамс иттенъ, конатненъ  
ули мяльсна и кельгсазь морамас-  
нон, содамс, кодама морхт синь  
морсихть, содамс тяфта жа ит-  
тненъ, конат маштыхть морама  
народнай инструментса (балалай-  
каса, мандалинаса, домраса) и пу-

### Военно-Морской Флотонь начальствующай состави и краснофлотецнеди Советский Союзонь Геройнъ званиянъ максомать колга СССР-нь Верховнай Советъ Президиумонц УКАЗОЦ

Финский белогвардейщинаъ кар-  
шес тюреманъ фронтса Командо-  
ваниянъ боевой заданиянзон об-  
разцовайста пашкодемаснон инкса  
и тяка пингть отваганъ и герой-  
стванъ няфнеманкса максомс Со-  
ветский Союзонь Геройнъ звания  
и каземс Ленинонъ ордена и „Зо-  
лотая звезда“ медальса:

1. Валосевич Иван Иванович  
батальоннай комиссарти.
2. Гармоза Михаил Михайлович  
краснофлотецти.
3. Губанов Георгий Петрович  
майорти.
4. Денисов Алексей Александр-  
ович майорти.
5. Губрин Алексей Антонович  
капитанти.
6. Кандратьев Петр Васильевич  
капитанти.
7. Коняев Анатолий Михайло-  
вич 3-це рангонъ капитанти.
8. Нефедов Анатолий Иванович  
старшай лейтенантти.

9. Посконкин Александр Рома-  
нович краснофлотецти.

10. Пургин Валентин Петрович  
младшай командирти.

11. Радус Федор Никифорович  
старшай лейтенантти.

12. Романенко Иван Георгиевич  
майорти.

13. Савченко Владимир Миро-  
нович лейтенантти.

14. Токарев Николай Александр-  
ович майорти.

15. Шувалов Сергей Михайло-  
вич лейтенантти.

СССР-нь Верховнай Советъ  
Президиумонц председателец  
М. КАЛИНИН.

СССР-нь Верховнай Советъ  
Президиумонц секретарец  
А. ГОРКИН.

Моску, Кремль.  
1940-це кизонъ апрель ковть 21-це шис-  
тонза.


### Перень звенать работац

Ковылкинский райононъ „Па-  
мять Ленина“ колхозсь дружнай  
работаса васьфтезе тунданъ виде-  
мать. Тясса организовандафт вете-  
оцю урожайнъ звенат и фкя зве-  
на перень работатненди.

Перень звенась (звеньевойсь  
Буров ялгась) эсь участкасонза  
йотафтозень сембе агротехниче-  
ский мероприятиенень.

А. А.

Ковылкинский район.



СНИМКАСА: Н. Ямской „МТС-са А. Д. Шурупова курсанткась-трактористкась  
занятияса.

Фотось Ивановъ.



Финский белогвардейщинаъ каршес  
тюреманъ фронтса Командованиянъ бое-  
вой заданиянзон образцовайста пашкотъ-  
кшнемаснон и тяка пингть отваганъ и  
геройстванъ няфнемать инкса младшай  
командирти Андрей Михайлович Сереб-  
ряковти максф Советский Союзонь Геройнъ  
звания.

СНИМКАСА: Советский Союзонь Ге-  
ройсь, младшай командирсь А. М. Сереб-  
ряковсь.

Фотось М. Редкинъ.

(ТАСС-ть фото-клишесь).

### Праздникти обороннай подаркат

Кадошкина. Глушка велень  
средний школань осовиахимский  
организациясь (председатель  
военруксь Парийский ялгась) эсь  
членонзон мархта сувасть социа-  
листический соревнованияс Майть  
1-це линц обороннай подарка  
мархта васьфтеманц инкса.

Аф кунара организациясь  
йотафтсь общий собрания, коса  
ульсь примаф 30 од член, конат-  
ненъ йоткса 18 комсомолец и 8  
од стирнат. Парийский ялгась  
Майть 1-це шинцы аноклай обо-  
роннай значкист. Ня шитненъ 20  
ученик макссазь норматненъ Воро-  
шиловский стрелок значокти, 25  
ученик—ПВХО-нь значокти и 15  
ученик—ГТО-нь значокти.

И. Чепин.

од морхт. Морхненъ эзда можна ся-  
вомс массовойхть, народнайхть,  
пионерскийхть, идень, революцион-  
найхть.

Коса может занимандамс хоро-  
вой кружоксь? Кизонда помеще-  
ниякс может улемс любой площад-  
кась или луганьясь, конац ащи ся-  
да маласа колхозть, лагерть эзда,  
но сядачкозе пулю кить эзда,  
штоба кружковецне морамста  
таргселезь ваймоснон ару кожфса.

Кда хоровой кружоксь органи-  
зовандаф и работай тялонда, кру-  
жоконь организаторти эряви кор-  
хтамс клубонь заведующайть мар-  
хта или школань директорть мар-  
хта, штоба синь максольхть поме-  
щения кружоконь занятитненди.  
Помещениясь должен улемс вал-  
да, чистой занятяда инголе фалу  
проветреный. Помещениясь дол-  
жетт улемс скамейкат или партат  
кружковецнеди.

Кода эряви тонафнемс морхненъ?  
Кружоконь организаторсь ська-  
монза или марса кружоконь ак-  
тивть мархта тонафнесы морть  
радио вельде, патефононъ коряс,

или кружковецть эзда, конац маш-  
ты морама народнай инструментса  
слухонъ или нотавъ коряс. Морть  
тонафнемдонза инголе кружковонь  
организаторсь должен лувомс  
морть текстонц и морамс эстейн-  
за. Мзярда кружоксь тонадсы  
морть, эряви проверямс правиль-  
на или аф сонь морасазь иттве.  
Проверямс можна тяфта жа пате-  
фон или народнай инструментса  
моронъ коряс.

Моронъ тонафнемста труднай  
вастьненъ эряви тонафнемс 3—5  
ломанень лувксса башка аф оцю  
группаса. Кружоконь организаторс  
должен сатомс мороть дружнайста  
уставамаи и аделаманц, атяф-  
тажа морть валонзон четкайста и  
яснайста азондомаснон.

Кода должен вятемс эсь прянц  
кружковецсь хоровой кружокть  
занятиясонза? Итне должетт  
ашемс видеста, аф горбонготкш-  
немс, прянц эряви кирдемс видес-  
та, аф люпштамс улоцень сядда-  
зозт. Куркце эряви сядда келеп-  
темс и лацкас азондомс валхненъ.



## Сядонга вярн—социалистический соревнованиянъ знамять

Тонафнемаса отличнай показател мархта сась международнай пролетарский солидарностень шити—Майнь васенце шити Саранск ошень 12-це № школась. Особенна пях вишкотьф социалистический соревнованиясь класснень йоткса праздника ингольденъ шитнень пивгста.

Социалистический соревнованиять вельде тонафнемаса замечательнай показателень сатомать пивгста школаса лама лият первомайский социалистический соревнованиять пивгста максестъ лезкс кальдявста тонафни ученикненьди, штоба Майнь васенце шити самс афоль иляда фкявок кальдявста тонафни.

Отличникне, кода Евсеевась, Болдовась, Сальниковась, Балашовась, Родинць и лама лият первомайский социалистический соревнованиять пивгста максестъ лезкс кальдявста тонафни ученикненьди, штоба Майнь васенце шити самс афоль иляда фкявок кальдявста тонафни.

Класснень эзда социалистический соревнованиять пивгста васенце вастть занязе 5-це „Д“ классь. Тяса класснай руководителъ школать од преподавателец Воеводин ялгась. Воеводинць йотай кизоть аделазе Мордовский Государственной пединститутть и Наркомпросъ кучезе

работам преподавателькс 12-це № школав. Сон эсь работасонза путнесы сембе виинц, сембе умениянзон, штоба воспитандамс социалистический обществанъ достойнай члетт.

Васенце четверть 5-це „Д“ классь школаса лувондовсь инъ отстающей классокс, ученикнень успеваемостьна ульсь анычек 56 процент, дисциплинась ульсь пях калдяв.

Но Воеводин ялгать упорнай работанц вельде классь арась передовойкс марнек школаса. Воеводинць кирдсь кеме соткс ученикнень мархта; сидеста йотафнесь класснай собраният, коса обсуждадакшневь кальдявста тонафникне, такя жа собранията теист максесвь эрявикс лезкс. Ученикнень йоткса вишкотьф индивидуальной социалистический соревнованиясь. Омбоце четверть классъ успеваемостец кассъ 72 процентс, а колмоце четверть—97,6 процентс. Классъ сясь эсь лангозонза обязательства, штоба 4-це четверть аделамс 100 процентнай успеваемостьна и штоба испытаниятнень пивгста фкявок тонафни афоль кадов второгоникокс.

А. Мезякаев.

Саранск ош.



СНИМКАСА: Старо-Синдровский районнь „Советский путь“ колхозонь бригадирхне А. Е. Морякин и М. Кукушкин комсомолецне-бригадирхне ВЛКСМ-нь райкомть секретаренц Т. П. Головановъ мархта беседовандайтхъ постояннай звенанъ организовандамъ колга. Фотось Ивановъ.

## Праздникти синь казнесна

Радостна и оцю сатфкс мархта васьфтьсась Майнь васенце шити Саранск ошень 12-це № школанъ пионерхне. Нинге апрель ковть васень шинзон пивгста кярмодсть праздникти аноклама тевти. Старшай пионервожатайсь Воеводин ялгась йотафтсь пионерский активть мархта совещания, коса тисть план, конань коряс йотафнестъ звеньеовой, отряднай сборхт. Сборхнень эса анокласть морхт, танцт, физкультурнай выступление.

Апрельть 26-це шистонза йотафтсь общеотряднай сбор, коса проверязь эсь приснон конашкава анокт пролетарский международ-

най шити васьфтеманцты. Тяса жа проверязь социалистический соревнованиянъ обязательстваснон, конат сясьфт Майнь васенце шити честьс. Оцю честь мархта пяхкодезь эсь обязательстваснон Бодровась, Евсеевась, Поляковась, Дипцовась. Няка жа пионерхне примасть оцю участия хоровой, физкультурнай, музыкальной и балетнай выступлениятненьди анокламаса.

Тяда башка, Майнь васенце шити честьс, 130 пионер максозь ПВХО-нь, ГСО-нь, ЮВС-нь значокненьди норматнень.

А. М.

Саранск ош.

## ПИОНЕРХНЕНЬ ПОДАРКАСНА

Саранскийнъ пионеронъ и октябреноконъ кудть членонза радостнайста аноклайхть Майть васенце шинцты.

Апрельть 30-це шистонза пионеронъ и октябреноконъ кудть концертнай группак тии выступления Саранский аэроклубса, коса исполнит „Танкисты“ морть. Джембраева Катясь продекламирует Маяковскийть стихотворениянц „Стих советский паспортть колга“, Самойлик Зинась кштисы „Чи-

четка“ вальсть Антонов Лешать мархта.

Майть 2-це шистонза пионерхне васедихть котониннай фабриканъ стахановецнень мархта. Стахановецне азондсась пионерхненьди работаса эсь сатфксснон, кода кеподезь трудонъ производительностьснон и пяхкотькшнесазь эсь лангозост сясьфт обязательстватнень. Пионерхне стахановецнень инголе няфтьсась самодеятельностень тевса эсь сатфксснон.

Н. Челмакин.



СНИМКАСА: Старо-Синдровский районнь Ворошиловъ лемса колхозть председателец Д. Пильщиковсь, первичнай комс мольский организациять секретарец М. Головановась и Семенов колхозниксь беседовандайтхъ ефремовский звенанъ анокламанъ колга. Фотось Ивановъ.

## ПЕРВОМАЙСКИЙ ПОДАРКАТ ТЯДЯНЬКОНДИ-РОДИНАНЬКОНДИ

Молотов ялгась СССР-нь Верховнай Советть Котоце Сессиянц эса эсь докладсонза корхтась: „...Якстерь Армиясь и Морской Флотсь сьормадсть эсь историяност од славнай страница и няфтезь, што минь народоньконъ эса отваганъ, самоотверженностень и героизманъ источниксь неисчерпае май“.

Народоньконъ тя могучай самоотверженностень источник и героизмац, конанъ няфнезь Якстерь Армиянъ доблестнай воиттне финляндский фронтса, мусь эстейна оцю васта и производствасовок. Советский народсь, сувамок Сталинский Колмоце Пятилеткатъ периодс, няфтсь ни лама славнай тефт. И аф стак, мзярда „Серп и молот“ заводонъ коллективсь обрательс призыв мархта—отвечамс СССР-нь Верховнай Советть 6-це Сессиянц решениянзон каршес предмайский социалистический соревнованиять вишкотьтемаса, тя призывть фатязь миллиотт самай различной профессия мархта ломань.

Аф-безучастнай тя могучай движениять эса Ленинско-Сталинский

комсомолске. Комсомолецне рядсок аляснон, тядяснон брадснон, сестраснон мархта примосихть тя тевса самай активнай участия.

Васьфнемок международнай пролетариатть солидарностень праздниконц—Майть 1-це шинц, Мордовиянъ комсомольский организациясь макссь тядяньконди-родинаньконди замечательнай подаркат. Ромодановский орденоноснай МТС-ть сембе 108 трактористонза большевикокс тюрхитъ Всесоюзнай сельскохозяйственной выставкасак участиянъ правать инкса. Комсомолецне, тракторнай бригаданъ бригадирхне—Иван Малютинць и Филипп Платоновсь, аф ваномок кальдяв погодать „лангс, нормаснон пяхкотькшнесазь 105—110 процентс. Нят ялгатнень йотай кизоня цебярь работанкса СССР-нь Главвыставкомсь казезень йомла серебряннай медальса. Орденоноснай МТС-ть честенцсинь аралазь и араласазь тя кизонявок.

Аф кальдяв подарка мархта васьфнесазь праздникти Рузаевский станциянъ комсомольский коллективсь. Группанъ комсомольский организаторсь Шатаевсь производ-

ственной программанц пяхкотькшнесы 200—210 процентс. Аф лядондыхть сонъ примеронц эзда Шабаяв, Кузьмин, Лушкина, Волков и Рыжков комсомолецне. Браксь синь работасост машфтьф прокс.

Саранск ошень хлебозаводонъ рабочайхне Романовсь, Бабинць, Шапошниковсь эрь шинъ нормаснон пяхкотькшнесазь 150—200 процентс. Цебярь сатфкст сатсть эсь работасост авань бригадатне.

Аф кальдявста работайхъ махорочнай фабриканъ набивной машинанъ машинисткасъ Бурнайкинась и крошильнай машинанъ машинисткатне Велосевич и Филимоновась.

Замечательнай успех мархта васьфнесазь праздникти школьникне. Саранск ошень 1-це и 44-це № школатнень эса кой-кона класснень эзга классонъ руководителъхне сатсть 100 процентнай успеваемость. Тя примерсь корхтай сянъ колга, конашкава минь советский пионероньке, комсомолецоньке и аф союзнай од ломаненьке патристический чувства мархта васьфнесазь Майть 1-це шинц, конанъ славнай знамяц мзярдонга аф олай человечествать историяса.

И. Кремнев.

## ПРИМЕРНАЙ БРИГАДИР

Од Виселка велень Калининъ лемса колхозть 4-це бригадасонза омбоце кизось работай бригадиркс колхозть инъ опытной и инициативнай колхозниконц Ширякин ялгась. Сон эсь работасонза вяфни пример колхозть лядыкс бригадиронзонды. Сонъ умелай и упорнай работанц вельде 4-це бригадасъ лувондови передовойкс лядыкс бригадатнень йоткса.

Тя кизоня тунданъ видемати анокламаса Ширякин ялгать бригадац сембода инголи йотафтозень сембе агротехнический мероприятиятнень. Сельхозинвентарсь лац петъф, ашататне цебярь упитанностьот. Апрельть 8-це шистонза колхозсь тись пробнай выезд, коса 4-це бригадасъ занязе васенце вастть.

Штоба образцовайста йотафтомс тунданъ видемати, тя бригаданъ сембе колхозникне сувасть социалистический соревнованияс и кемокстась соцсоревнованиянъ договор такя жа колхозонъ 3-це бригадась мархта.

П. Мурзаев.

Зубово-Полянский район.



# Комсомольский ЭРЯФСЬ

## Кугрышева ялгась аф занимандакшни комсомолецнень политобразованияснон мархта

Саранский „Восход“ промартельть первичнай комсомольский организациясонза кальдявста ладяф политвоспитательнай работась. ВЛКСМ-нь первичнай организациять секретарец Кугрышева ялгась сатомшка мяль тянь ширес аф шарфни. Организациять видеса ВЛКСМ-нь горкомть разрешенианц коряс организовандаф текущей политикань кружок, коза руководителькс кемокстаф ВЛКСМ-нь горкомть аф штатнай пропагандисток Игонин ялгась. Кружоксь формальна работай кунаркиге, но комсомолецнень инь ламосна занятияс сашендыхть аф аноклафста.

Комсомольский организациять эса политико-воспитательнай работать кальдявста ладямац ламода отразился и комсомолецнень производственной тевснотдыге. Тянь кол-

га корхтай ся фактсь, што организация 15 комсомолецть эзда производственной тевснот ударникос лувондови анычек 3. Дисциплинась первичнай организациять эса тяфта жа кальдяв. Вов, апрельть 19-це шистонза ульсь назначендаф комсомольский собрания, коса доклад СССР-нь Верховнай Советть 6-це Сессиянц решениянзон колга должен ульсь тиес комсомолкась Хуртаева ялгась, но сон докладти ашезь анокла, и собраниясь ульсь сязьф.

Первичнай партийнай организацияти, а тяфта и ВЛКСМ-нь горкомти эряви шарфтомс мяль и лездомс первичнай комсомольский организацияти комсомолецнень йоткса политико-воспитательнай работать цебарьгофтомаса.

М. Байков.

Саранск ош.

## Якушкинть беспечностец

Лама од ломаньда Сире Маманя велеса. Нят од ломатне аф кальдявста работайхть колхознай производстваса. Синь оцю энергиясна и мяльсна работамс нинге сяда цебарьста работань эсь участкасост родинать благас. Синь тяфта жа оцю тягасна культурати, мяльсна и культурна ваймамска. Но велень первичнай комсомольский организациясь (секретарсь Якушкин ялгась) тянди кодамовок мяль аф шарфни. Сонь работань практикасонза нинге аш ся, штоба сувафнемс аф союзнай од ломатнень ся работати, конань йотафнесы комсомольский организациясь велеса.

Добровольнай организацият, самодетельностень кружокт, коса од ломатне йотафнелезь ба эсь досугснон и развивали ба эсь творчестваснон и талантснон, велеса тачимс атак пуроптт.

Од ломатнень тяфта жа оцю мяльсна тонафнемс военной тевтьке, но и тяфтама работа тя велеса йофси аф йотафневи. Кизефневи, месьт жа тиенди первичнай комсомольский организациясь? Мезевокаф. Од ломатнень йоткса нльне фяковок собрания ашезь йотафта аф корхтамок ни иля работань колга. Мезьса, кда аф секретарт бездушнай отношениянц, пефтоманола шинц мархта можна азондомс тяфтама положениать.

ВЛКСМ-нь Рыбкинань райкомти эряви варжакстомс тя первичнай организациять шири и кошардомс Якушкинть, штоба эсь тевонц тиендельхце кода эряви.

Тимошкин.

Рыбкинский район.

## Комсомолецне тевснон юкстазь

Местнай Совету трудящайнх депутатонь кочкаматненди анокламат пингста Говрова велень колхознай комсомольский организациясь населениать йоткса занцесь ведущай роль, но тани тя работать сон юкстазе.

Комсомольский организациясь (секретарсь Столбовсь) аф вяти массово-разъяснительнай работа колхозникнень йоткса тунлань видемать срока инголе и цебарь качества йотафтоманц инкса. Колхозсь тунлань видемати аноклась аф сатомшка. Сельскохозяйственной инвентарсь и сортовой видьмотне аноклафт аф сембе. Колхозти эряви 1400 центнер видьме, но синь эздост аноклафт 707 центнер.

Тяда башка комсомолецне аф пяхкотыкшнесазь ВЛКСМ-нь ЦК-ть VIII-це пленумонц решениянзон, аф тонафнесазь большевистский партиять историянц. Организацияса 10 комсомолецнень йоткста „ВКП(б)-ть историянц Краткай курсонц“ тонафнесазь анычек 4 комсомолецт.

Букатов.

Мельцанский район.



Уфайхть войнань пожарть эса.

Рисункась С. Чистяковть (Фото-клишесь ТАСС-ть).

## СКАНДИНАВИЯСА ВОЕННАЙ ДЕЙСТВИЯТНЕ

Германский информационный бюроть сообщениянц коряс, Норвегиять лама пунктонзон эса германский частьтнень и англо франко-норвежский об'единеннай вийхнень йоткса молихть серьезнай тюремат. Нарвикть эзда 30 километра север ширеса германский боевой охранениясь вяти бой неприятельский оцю частень каршес. Английский корабльхне апрельть 25 шистонза танга ляцендсь Нарвикть лангс. Ошти тиф оцю ущерб.

Английский флотть имафксонза, апрельть 10-це шистонза сывомок 29 единица, сяка лувксса: крейсера—5, эсминца—7, подводнай лоткада—14, транспортнай суднада—3. Тяда башка английский 28 корабля, сяка лувксса 7 линкорхт и 8 крейсерахт получахть оцю повреждениат.

Английский кулятнень коряс, англо-французский войскактне кирдихть эсь кядьсост пяхт укрепленной позицият, конат ащихть Стейнкерт эзда 6 мильхть север ширеса. Германский авиациясь военной действиятнень эса примо-

си активнай участия. Стейнкерт эзда север ширеса железнодорожной сембе станциятне тага бомбардировандафт. Стейнкерт марнек тапаф, Домбассь (Тронхейм—Осла машинакинь магистральть лангса узловый станциясь)—толса.

Английский зенитнай батареятне прафтсь германский лама самолетт.

Тяни союзникнень войскасн контролируют машинакит Тронхеймть эзда юг шири, конац кирди пяхт оцю стратегический значения, сяс мес сон инголи служась Тронхеймав германский войскань усксемати. Тянь сюнеда Тронхеймть района германский войскактнень положениасна ванондови кода безнадежной. Синдейст можн кучемс анычек подкреплениянь воздушнай киге.

Тронхеймать эзда сяда север шири Стейнкерт сывомдонза меде германский войскактне кирдсась эсь кядьсост важнейшай перевалхнень и йотама васттнень.

Ослать районзонза германский войскактне вишкста шаштыхть северу и северо-западу.

(ТАСС).

## Голландский командованиять приказоц

Голландский армиять и флотть верховнай командованияц печатлась приказ, конац запрещает газетатненди печатлакшнемс атак кемокстак всякай сведения, конат корхтайхть странать оборонанц, гражданский и военной власттнень действияснон колга. Аф мярьгондеви печатлакшнемс статьят, конат можнат улельхть лувомс благоприятнайкс воявай державатнень эзда конанцтыге фкяти. Станя жа аф мярьгондеви подвергать сомненияс правительствать политиканц нейтральностень кирдемать колга.

(ТАСС).

Ответ. редакторть заместителец

И. ЧУДАЙКИН.



Московский Ленинонь ордена казф „Мосфильм“ киностудиясь работай „Первая конная“ фильма лангса, всеволод Вишневский орденоносец писательсь сьорматф сценариянц коряс. Фильма режиссероц—Е. Дзисав орденоносецсь, операторсь Е. Андриканись.

СНИМКАСА: Фильмаста кадрсь: эпизодсь—Васенце коннайть самац. Кержи ширеса—Деньгась (Г. В. Сочевко артистсь), види ширеса Петрось (М. М. Брылкин артистсь).

(ТАСС-ть фото-клишес).